



國家清史編纂委員會·文獻叢刊

五編

清代稿鈔本

第二三三三冊

國家清史編纂委員會·文獻叢刊

五編

清代稿鈔本

第二三三三册

廣東省立中山圖書館
中山大學圖書館

編

主編 桑兵

副主編 李昭醇 程煥文 劉洪輝

廣東省出版集團
廣東人民出版社

·廣州·

第一三三三冊目錄

魯軒詩橐		一
論詩七絕		二三一
秋室吟社詩錄		二八五
西使記注		三一七
蕭弇讀碑校勘記		三七七
頑夫碑錄		四九五

魯軒詩彙

不分卷

佚名撰

鈔本

廣東省立中山圖書館藏

魯軒詩彙



○登黃鶴樓

危樓高聳漢江隈，吐納風雲四望開。
萬里帆檣沿郭繞，八窗星斗破空來。
山亭猶自題仙棗，玉笛何人譜落梅。
俯瞰滄波渺，極狂吟飛步上崔嵬。

○山居晚步

出門風露清襟袖，自幽暢流泉潄珮環。
涼月淡屏障蟲吟，瓜蔓巖人影。
稻花上夜深山雨來，明朝看溪漲。

春草

燒痕新透翠痕齊，一片斜陽望欲迷。
何事東風吹不斷，年年綠過板橋西。
此首見後共四首

○秋夜八詠

○秋月

星斗橫空煠氣清一輪皓月萬家情
劇憐蕩子愁多少
莫向闌山分外明

○秋雲

涼痕片片淡銀河舒卷無心傍夜多
漫道羅衫煠厭薄
浮雲卻更薄於羅

○秋風

雨過新涼別徑幽梧桐葉墮晚風颭
渾疑三峽波濤怒
號出空山一夜煠

○秋雨

空階殘溜滴涼宵
且小青燈懶自挑
窗外一聲驚夢斷
半敲修竹半芭蕉

○秋露

鶴警林高玉露涼
夜深衫袖潤生香
囊盛倘許如珠滿
甌得仙人洗眼方

○秋河

耿耿長空匹練拖
雙星隔斷奈愁何
任教夜夜西風起
一水橫林靜不波

○秋蛩

蟲聲四壁夜涼生似對西風說不平
籬豆花香桐露冷
詩心啼破一聲聲

○秋砧

塞鴻消息悵沈沈檢點征衣別恨深
寒杵幾聲家萬里
敲殘明月碎秋心

○新竹

新斑隱隱豹文生一笑春風脫錦綳
疑是戈矛頻衛列
誰將頭角比崢嶸
出籬已挾凌霄勢
伏土先含破壁情

莫道泥沙甘屈節秋來還作籜龍鳴

○新筍

燕來時節筍初抽碧玉森森繞徑幽山雨迸林掀犢角
晴雲穿地劇貓頭餉同葵飯燒將熟香到櫻厨味并柔
生恐南風吹作竹涪翁幾度咒遲留

○榆錢

春光何事炫芳妍赤仄平鋪滿樹圓歷歷曾分天上種
飛飛應當酒家錢隔鄰榴火紅疑鑄別院蕉絲翠欲穿
不惜繞隄千萬貫買將風月住湖邊

○荷錢

銀塘雨過綠錢生
箇箇勻圓貼鏡平
萬點鎔風青有影
五銖磨月碧無聲
買魚價每臨溪漲
飲馬人誰擲水輕
寄語浴鳧休愛寶
取携無盡漫相爭

○山行遇雨

繞樹雲千疊出門山
四圍橋低知水長
潭靜羨魚肥野竹
瘦成筍溪花香滿
衣子規聲不斷喚
出雨霏霏

○江漢圖為朱少泉大令

張曾題

披覽名圖感慨生
卧游高枕漢江城
滄波不盡風煙外

總是離騷萬古情

多少繁華逐水流那堪重詠畫中秋扁舟記得曾遊處
兩岸青山一酒樓

○太白樓懷古

飛聳江城裏何年一酒樓白傳羣玉詠名為謫仙留楊
柳紅橋路梅花玉笛秋醉傾三百盞滌淨古今愁

○訪晴川閣故址

大別山頭氣象雄晴川飛閣昔凌空半江遶水拖巴字
幾曲危闌壓楚宮漢口斜陽歸鳥外鸚洲芳草淡烟中

閒尋禹廟殘碑讀虫蝕苔封字影蒙

鳳嶺遙連翠黛平煙嵐縹緲弄新晴幾層樓閣臨無地
一帶江流聽有聲鄂渚帆從欄外落武昌城向畫中橫
舊遊回首生遙感崔灝緣何別思生

月湖櫂歌

雙雙蘭槳撥前溪曉霧空濛望欲迷鍾磬一聲何處寺
榜人遙指月湖西

歌臺茶社暮雲中畫舫吹橫一笛風穿過石橋最高處
有人背指夕陽紅

磬

藻

萬頃湖光一鑑開
輕舟蕩處水藻洄
誰家漁網鋪晴日
曬過桃花洞口來

簑笠相携紀勝遊
一湖烟雨一扁舟
回看卻月城邊路
夾岸垂楊賣酒樓

○輓易香谷夫子

昔別還期終侍教
那知天忽喪斯文
心喪愧乏生芻獻
手澤悲餘舊稿存
莫效桓榮勤負土
空教宋玉賦招魂
十年恩誼難酬答
不見師門哭寢門

牢記當年藥石箴
持身勿與世浮沈
泰山北斗嗟安仰

化雨春風感獨深世難稽遲千里計學荒孤負九京心
園蔬尊酒遙申奠可有英靈此享歆

○子夜歌

君似雲中鶴妾如機上絲回環千萬緒思君君不知
君採湖上蓮莫食蓮中薏薏苦多在心心曲有誰識
對鏡翻自疑昔妍今何陋卻嫌衣帶長不覺腰支瘦
海棠笑春風又把歸期誤研露屑泥金學寫回文句
昨夜長跼飛撲入芙蓉帳忽聞乾鵲聲劍兒樓頭望

○送胡莘庭茂才之辰州

娥

同出紫陽門

予與君前後從游朱雲巢師

相知不相見五載精神交

忽逢漢陽縣握手話生平聊以慰繾綣各有扮榆思空
慨陵谷變海內苦瘡痍天涯尚征戰他鄉風鶴多移家
年年慣關河修且長艱險真嘗遍學植久荒蕪憤欲焚
筆硯我聞長州山巔屹逼人面下有千萬灘奔濤急如
箭繞環三百里烟荒路疑斷雲影起雙峯天光漏一綫
孤藤轉危石幽境忽曠衍流水圍一村天桃種兩岸中
有高士廬應是神仙眷倘即武陵源殊令漁人羨何當
沿溪行試覓落紅片因之訪君家一遂結鄰願好闢厦

千間且儲書萬卷他日雞黍盟銜盃共摩研長風片帆
去分手勿留戀武昌多鯉魚衡陽足鴻鴈莫使音問疎
努力各加飯

○題胡芸畦茂才書田繡毬蝴蝶畫冊

濃麝粉膩淡凝脂晴雪成團撲檻時莫道身輕飛欲倦
採花選上最高枝

粉翅香腰着意摹依依飛繞碧簾無謝公詩句滕王畫
為問風情似此無

○閨情